

OPŠTI USLOVI  
ZA OSIGURANJE IMOVINE

US-PR-OUI/10-12-cg

## UVODNE ODREDBE

Ovi Uslovi primjenjuju se na osiguranje imovine, izuzev na one vrste osiguranja imovine koji izričito isključuju primjenu ovih Uslova.

U ovim Uslovima pojedini izrazi znače:

Osiguravač	akcionarsko društvo za osiguranje sa kojim je zaključen ugovor o osiguranju.
Ugovarač osiguranja Osiguranik	je lice koje sa osiguravačem sklopi ugovor o osiguranju. je lice čija je imovina osigurana i kome pripadaju prava iz osiguranja.
Premija	je iznos koji se plaća za osiguranje po ugovoru o osiguranju.
Suma osiguranja	je iznos na koji je imovina odnosno imovinski interes osiguran, ako iz sadržaja ugovora o osiguranju ne proizilazi nešto drugo.
List pokrića	potvrda koja privremeno zamjenjuje polisnu.

## I OPŠTE ODREDBE

## Član 1. - Sklapanje ugovora o osiguranju

(1) Ugovor o osiguranju imovine može sklopiti lice koje ima interes da se ne dogodi osigurani slučaj, pošto bi inače pretrpjelo neki materijalni gubitak.

(2) Ugovor o osiguranju sklapa se na temelju usmene ili pismene ponude, a sklopljen je kad ugovarači potpišu polisnu osiguranja ili list pokrića.

Usmena ponuda učinjena osiguravaču za zaključenje ugovora o osiguranju ne obavezuje ni ponuđača ni osiguravača.

Pismena ponuda učinjena osiguravaču za sklapanje ugovora o osiguranju vezuje ponuđača, ako on nije odredio kraći rok, za vrijeme od osam dana od dana kada je ponuda prispjela osiguravaču.

Ako osiguravač u tom roku ne odbije ponudu koja ne odstupa od uslova po kojima on vrši predloženo osiguranje, smatrat će se da je prihvatio ponudu i da je ugovor sklopljen. U tom slučaju, ugovor se smatra sklopljenim kada je ponuda prispjela osiguravaču.

Ako osiguravač povodom primljene ponude zatraži kakvu dopunu ili izmjenu, kao dan prijema ponude smatraće se dan kada osiguravač primi traženu ponudu ili izmjenu, odnosno kada bude obaviješten o prihvatanju njegovih uslova.

(3) Odredbe stava (2) ovog člana primjenjuju se i kad se vrši izmjena postojećeg ugovora o osiguranju.

## Član 2. - Polisa i list pokrića

(1) U polisi osiguranja moraju biti navedeni: *ugovorne strane, osigurana stvar, rizik obuhvaćen osiguranjem, trajanje osiguranja i period pokrića, suma osiguranja ili da je osiguranje neograničeno, premija ili doprinos, datum izdavanja polise i potpisi ugovornih strana.*

(2) Polisa osiguranja može biti privremeno zamijenjena listom pokrića u koji se unose bitni sastojci ugovora. List pokrića se izdaje sa trajanjem najduže do šest mjeseci.

(3) Osiguravač je dužan upozoriti ugovarača osiguranja da su Opšti i Posebni uslovi osiguranja sastavni dio ugovora i predati mu njihov tekst, ako ti Uslovi nisu štampani na samoj polisi.

(4) Izvršenje obaveze iz predhodnog stava mora biti konstatovano na polisi.

(5) U slučaju neslaganja neke odredbe Opštih ili Posebnih uslova i neke odredbe polise primijenit će se odredbe polise a u slučaju neslaganja neke štampane odredbe polise i neke njene rukopisne odredbe, primijenit će se ova posljednja.

(6) Prema sporazumu ugovarača, polisa može glasiti na određeno lice, po naredbi ili na donosioca.

(Član 999. Zakona o obligacionim odnosima)

## Član 3. - Zaključenje ugovora u ime drugog bez ovlaštenja

(1) Ko zaključi ugovor o osiguranju u ime drugog bez njegovog ovlaštenja, odgovara osiguravaču za obaveze iz ugovora sve dok ga onaj u čije je ime sklopljen, ne odobri.

(2) Zainteresovani može odobriti ugovor i pošto se dogodio osigurani slučaj.

(3) Ako je odobrenje odbijeno, ugovarač osiguranja duguje premiju za period osiguranja u kome je osiguravač obaviješten o odbijanju odobrenja.

(4) Ali, ne odgovara za obaveze iz osiguranja poslovođa bez naloga koji je obavijestio osiguravača da istupa bez ovlaštenja u ime i za račun drugoga.

(Član 1001. ZOO)

## Član 4. - Osiguranje za tuđi račun ili za račun koga se tiče

(1) U slučaju osiguranja za tuđi račun ili za račun koga se tiče, obaveza plaćanje premije i ostale obaveze iz ugovora dužan je izvršavati ugovarač

osiguranja, ali on ne može vršiti prava iz osiguranja, čak i kad drži polisnu, bez pristanka lica čiji je interes osiguran i kome ona pripadaju.

(2) Ugovarač osiguranja nije dužan predati polisnu zainteresovanom licu dok mu ne budu naknadene premije koje je isplatio osiguravaču, kao i troškovi ugovora.

(3) Osiguravač može istaći svakom korisniku osiguranja za tuđi račun, sve prigovore koje po osnovu ugovora ima prema ugovaraču osiguranja.

(Član 1002. ZOO)

## Član 5. - Suma osiguranja

Ugovor o osiguranju može se zaključiti:

(1) Na ugovorenu vrijednost koju odredi ugovarač osiguranja u smislu Posebnih uslova.

(2) Na sumu osiguranja:

1) Na sumu koju odredi ugovarač osiguranja u okvirima određenim uslovima osiguranja, tarifom premija i zakonskim propisima.

2) Na sumu osiguranja na "Prvi rizik" (u slučaju predviđenom tarifom premija, suma osiguranja može se odrediti sporazumno između ugovarača osiguranja i osiguravača, u visini iznosa moguće štete, odnosno troškova: osiguranje na "Prvi rizik").

(3) Ako je neki ugovor zaključen bez oznake sume osiguranja ili uz neograničeno pokriće, smatraće se kao ugovor zaključen na svakovremenu stvarnu ili novu vrijednost, odnosno na vrijednost imovinskog interesa u skladu sa sadržajem ugovora.

## Član 6. - Trajanje ugovora o osiguranju

Ugovor o osiguranju može biti zaključen:

(1) Sa ODREĐENIM rokom trajanja:

1) Kratkoročno osiguranje je sa određenim rokom trajanja za vrijeme od jedne godine trajanja ili kraće.

2) Višegodišnje osiguranje je osiguranje sa određenim rokom trajanja, a preko jedne godine. U principu se ova vrsta osiguranja zaključuje sa rokom od pet do deset godina.

(2) Sa NEODREĐENIM rokom trajanja: DUGOROČNO koje se nastavlja iz godine u godinu, osim ako ga koja od ugovornih strana pismeno ne otkáže u roku predviđenom opštim uslovima osiguranja.

## Član 7. - Osigurani slučaj

(1) *Događaj s obzirom na koji se zaključuje osiguranje (osigurani slučaj) mora biti budući, neizvjestan i nezavisan od isključive volje ugovarača osiguranja.*

(Član 995. st. 1 ZOO)

Smatra se da je u osiguranju stvari nastao osigurani slučaj onog trenutka kada se jedna od osiguranih opasnosti iznenada i neočekivano počela ostvarivati na osiguranoj stvari i oštećivati je.

(2) Ugovor o osiguranju je ništav, ako je u času njegovog zaključivanja već nastao osigurani slučaj, ili je taj bio u nastupanju, ili je bilo izvjesno da će nastupiti, ili ako je već tada bila prestala mogućnost da on nastane.

(3) Ali, ako je ugovoreno da će osiguranjem biti obuhvaćen određen period koji prethodi zaključenju ugovora, ugovor će biti ništav samo ako je u času njegovog zaključenja zainteresovanoj strani bilo poznato da se osigurani slučaj već dogodio, odnosno da je već tada bila prestala mogućnost da se on dogodi.

(Član 995. st. 2 i 3 ZOO)

## Član 8. - Pravna situacija poslije nastanka osiguranog slučaja

(1) Ako se u toku istog perioda osiguranja dogodi više osiguranih slučajeva jedan za drugim, naknada iz osiguranja za svaki od njih određuje se i isplaćuje u potpunosti s obzirom na cijelu sumu osiguranja, bez njenog umanjenja za iznos ranije isplaćenih naknada u tom periodu. (Član 1022. st. 6 ZOO)

(2) U slučaju uništenja stvari (totalna šteta) ili kada se stvari po ugovoru o osiguranju smatraju uništenim, osiguranje prestaje za uništenu stvar.

(3) Kod osiguranja od onih rizika koji se osiguravaju na sumu osiguranja na "Prvi rizik" krajnju obavezu osiguravača u toku jednogodišnjeg perioda osiguranja za ukupne štete na stvarima osiguranim na "Prvi rizik" čini DVOSTRUKI iznos ugovorene sume osiguranja. Posle iscrpljenja dvostrukog iznosa sume osiguranja po osnovu tekućih šteta (jedne štete ili više šteta u više štetnih događaja), osiguranik može obnoviti ugovor o osiguranju za preostali period tako što će platiti premiju osiguranja po principu "pro rata temporis" do isteka osiguranja po osnovnom ugovoru.

Tada je krajnja obaveza osiguravača, za preostali period, za ukupne štete na stvarima osiguranim na "Prvi rizik" - suma osiguranja.

## Član 9. - Način obavještanja

(1) Sva obavještenja i prijave koje je ugovarač osiguranja dužan učiniti, u smislu odredaba ovih uslova, obavezno se imaju pismeno potvrditi ako su učinjene usmeno, telefonom, telegramom ili na koji drugi način.

Kao dan prijema obavještenja odnosno prijave smatra se dan kada je primljeno obavještenje odnosno prijava. Ako se obavještenje odnosno prijava šalje preporučeno, kao dan prijema smatra se kao dan predaje pošti.

(2) Sporazumi koji se odnose na sadržaj ugovora vrijede samo ako su zaključeni pismeno.

#### Član 10. - Promjena adrese - naziva (firme)

(1) Ugovarač je dužan da o promjeni imena ili adrese odnosno promjene naziva (firme) i sjedišta (poslovnih prostorija) obavijesti osiguravača u roku od 15 dana od dana nastale promjene.

(2) Ako ugovarač ne obavijesti osiguravača o promjeni iz prethodnog stava, za punovažnost obavještenja dovoljno je da je osiguravač uputio osiguraniku preporučeno pismo prema posljednjim podacima o adresi stana, poslovnih prostorija, odnosno nazivu (firmi) kojima raspolaže. Obavještenje važi od dana od kojega bi, prema redovnim okolnostima, važila da nije bilo promjene iz prethodnog stava.

#### Član 11. - Izmjene uslova osiguranja i tarifa premije

(1) Ako osiguravač izmijeni uslove osiguranja ili tarife premija, dužan je da o tom pismeno, ili na drugi pogodan način, obavijesti ugovarača osiguranja prije isteka tekućeg perioda osiguranja (SKADENCE).

(2) Ugovarač osiguranja ima pravo da otkáže ugovor o osiguranju po prijemu obavijesti. U tom slučaju, ugovor o osiguranju prestaje važiti istekom tekuće godine osiguranja.

(3) Ako ugovarač osiguranja ne otkáže ugovor o osiguranju u roku iz stava (2) ovog člana, ugovor o osiguranju se početkom sledećeg perioda osiguranja mijenja u skladu sa izvršenim promjenama u uslovima osiguranja, odnosno tarifa premije.

#### Član 12. - Sniženje (bonifikacija) i povećanje (malus) premije

U nekim vrstama osiguranja i pod uslovima utvrđenim odgovarajućim aktom, ugovarač osiguranja, odnosno osiguranik stiče pravo na bonifikaciju u vidu sniženja premije za sledeće razdoblje osiguranja (bonus).

U nekim vrstama osiguranja i pod uslovima utvrđenim posebnim odgovarajućim aktom, ugovaraču osiguranja odnosno osiguraniku, povećava se premija za sledeće razdoblje osiguranja u vidu doplate (malus).

#### Član 13. - Nadležnost u slučaju spora

U slučaju spora između ugovarača osiguranja (osiguranika) i osiguravača nadležan je sud prema mestu zaključenja ugovora.

### II OBAVEZE OSIGURANIKA ODNOSNO UGOVARAČA OSIGURANJA I POSLEDICE NJIHOVOG NEIZVRŠENJA

#### Član 14. - Prijava okolnosti značajnih za ocjenu rizika

(1) Ugovarač osiguranja dužan je prijaviti osiguravaču, prilikom zaključenja ugovora sve okolnosti koje su značajne za ocjenu rizika, a koje su mu bile poznate ili mu nijesu mogle ostati nepoznate. (Član 1004.ZOO)

(2) Ako je ugovarač osiguranja namjerno učinio netačnu prijavu ili namjerno prečutao neku okolnost takve prirode da osiguravač ne bi zaključio ugovor da je znao za pravo stanje stvari, osiguravač može zahtijevati poništenje ugovora.

U slučaju poništenja ugovora iz razloga navedenih u prethodnoj alineji, osiguravač zadržava naplaćene premije i ima prava zahtijevati isplatu premije za period osiguranja u kome je tražio poništenje ugovora.

Osiguravačevo pravo da zahtijeva poništenje ugovora o osiguranju prestaje ako on u roku od tri mjeseca od dana saznanja za netačnost prijave ili za prećutkivanje ne izjavi ugovaraču osiguranja da namjerava koristiti to pravo.

(Član 1005. ZOO)

(3) Ako je ugovarač osiguranja učinio netačnu prijavu ili je propustio dati dužno obavještenje, a to nije učinio namjerno, osiguravač može, po svom izboru, u roku od mjesec dana od dana saznanja za netačnost ili nepotpunost prijave, izjaviti da raskida ugovor ili predložiti povećanje premije srazmjerno većem riziku.

Ugovor u tom slučaju prestaje po isteku četrnaest dana od kada je osiguravač svoju izjavu o raskidu saopštio ugovaraču osiguranja, a u slučaju osiguravačevog predloga da se premija poveća, raskid nastupa po samom zakonu ako ugovarač osiguranja ne prihvati predlog u roku od četrnaest dana od dana kad ga je primio. U slučaju raskida ugovarač je dužan vratiti dio premije koji otpada na vrijeme do kraja perioda osiguranja u roku od 60 dana.

Ako se osiguranik slučaj dogodio prije nego što je utvrđena netačnost ili nepotpunost prijave, ili nakon toga ali prije raskida ugovora, odnosno prije postizanja sporazuma o povećanju premije, naknada se smanjuje u srazmjeri između stope plaćenih premija i stope premija koje bi trebalo platiti prema stvarnom riziku. (Član 1007. ZOO)

(4) Odredbe prethodnih stavova o posledicama netačne prijave ili prećutkivanja okolnosti značajnih za ocjenu rizika primjenjuju se i u slučajevima osiguranja zaključenih u ime i za račun drugog, ili u korist trećeg, ili za tuđi račun, ili za račun koga se tiče, ako su ova lica znala za netačnost prijave ili prećutkivanja okolnosti značajnih za ocjenu rizika. (Član 1008 ZOO)

(5) Osiguravač kome su u času zaključenja ugovora bile poznate ili mu nisu mogle ostati nepoznate okolnosti koje su značajne za ocjenu rizika, a koje je ugovarač osiguranja netačno prijavio ili prečutao, ne može se pozivati na netačnost prijave ili prećutkivanje.

Isto važi u slučaju kad je osiguravač saznao za te okolnosti za vrijeme trajanja osiguranja, a nije se koristio zakonskim ovlašćenjima.

(Član 1009 ZOO)

#### Član 15. - Plaćanje premije

(1) Ugovarač osiguranja dužan je da plati premiju osiguranja određenu tarifom premije.

(2) Premija se plaća prilikom sklapanja ugovora unaprijed po pravilu odjednom, a može se plaćati i u ugovorenim rokovima (mjesečno ili kvartalno).

(3) Na iznos premije koji se plaća u ugovorenim odloženim rokovima, može se ugovoriti plaćanje kamate na dužnu premiju.

(4) Ako ugovarač osiguranja ne plati premiju u ugovorenom roku, osiguravač može da zaračuna i zateznu kamatu.

(5) Ako se premija plaća bezgotovinskim sredstvima plaćanja i nije ugovoreno odložno plaćanje, ugovarač osiguranja je obavezan da plati premiju osiguravaču u roku od osam dana, računajući od dana izdavanja polise, odnosno od dana prijema dokumenata na osnovu kojih se premija plaća.

(6) U svakom slučaju smatraće se da je premija plaćena onoga dana kad na račun osiguravača stignu sredstva plaćanja.

#### Član 16. - Obavještenje osiguravača o promjeni rizika

(1) Ugovarač osiguranja dužan je obavijestiti osiguravača o svakoj promjeni okolnosti koja može biti značajna za ocjenu rizika.

On je dužan da bez odlaganja obavijesti osiguravača o povećanju rizika, ako je rizik povećan nekim njegovim postupkom, a ako se povećanje rizika dogodilo bez njegovog sudjelovanja, on je dužan obavijestiti ga u roku od četrnaest dana od dana kad je za to saznao.

Ako je povećanje rizika toliko da osiguravač ne bi zaključio ugovor da je takvo stanje postojalo u času njegovog zaključenja, on može raskinuti ugovor.

Ali, ako je povećanje rizika toliko da bi osiguravač zaključio ugovor samo uz veću premiju da je takvo stanje postojalo u času zaključenja ugovora, on može ugovaraču osiguranja predložiti novu stopu premije.

Ako ugovarač osiguranja ne pristane na novu stopu premije u roku od četrnaest dana od prijema predloga nove stope, ugovor prestaje po samom zakonu.

Ali, ugovor ostaje na snazi i osiguravač se više ne može koristiti ovlašćenjima da predloži ugovaraču osiguranja novu stopu premije ili da raskine ugovor, ako ne iskoristi ta ovlašćenja u roku od mjesec dana od kada je bilo na koji način saznao za povećanje rizika, ili ako još prije isteka tog roka na neki način pokaže da pristaje na produženje ugovora (ako primi premiju, isplati naknadu za osiguranik slučaj koji se dogodio nakon toga plaćanja i sl.). (Član 1011 ZOO)

(2) Ako se osiguranik slučaj dogodi prije nego što je osiguravač obaviješten o povećanju rizika ili pošto je obaviješten o povećanju rizika, ali prije nego što je ugovor raskinuo ili postigao sporazum sa ugovaračem osiguranja o povećanju premije, naknada se smanjuje u srazmjeri između plaćenih premija i premija koje bi trebalo platiti prema povećanom riziku. (Član 1012 ZOO)

(3) U slučaju kad se nakon zaključenja ugovora o osiguranju dogodilo smanjenje rizika, ugovarač osiguranja ima pravo zahtijevati odgovarajuće smanjenje premije, računajući od dana kad je o smanjenju obavijestio osiguravača. Ako osiguravač ne pristane na smanjenje premije, ugovarač osiguranja može raskinuti ugovor. (Član 1013 ZOO)

#### Član 17. - Obaveza sprečavanja osiguranog slučaja i spašavanja, te pridržavanja odredaba o zaštitnim mjerama

(1) Osiguranik je dužan preduzeti propisane, ugovorene i sve ostale mjere potrebne da se spriječi nastupanje osiguranog slučaja, a ako osiguranik slučaj nastupi, dužan je preduzeti sve što je u njegovoj moći da se ograniče njegove štetne posledice.

(2) Osiguravač je dužan naknaditi troškove, gubitke, kao i druge štete prouzrokovane razumnim pokušajem da se otkloni neposredna opasnost nastupanja osiguranog slučaja, kao i pokušajem da se ograniče njegove štetne posledice, pa i onda ako su ti pokušaji ostali bez uspjeha.

(3) Osiguravač je dužan dati ovu naknadu čak i ako ona zajedno s naknadom štete od osiguranog slučaja prelazi sumu osiguranja.

(4) Ako osiguranik ne ispunji svoju obavezu sprečavanja osiguranog slučaja ili obavezu spašavanja, a za to nema opravdanja, obaveza osiguravača smanjuje se za onoliko za koliko je nastala veća šteta zbog tog neispunjenja.

(Član 1023. ZOO)

(5) Ako je određen ili ugovoren rok od kada se imaju provesti mjere za sprečavanje ostvarenja ili povećanja opasnosti (preventivne mjere), naknada se osiguraniku isplaćuje i onda kad je osiguranik slučaj nastao do isteka toga roka a ako je šteta u uzročnoj vezi sa propisanim odnosno ugovorenim obavezama.

#### Član 18. - Obaveza osiguranika kada nastane osiguranik slučaj

(1) Kad nastane osiguranik slučaj na temelju kojega se traži naknada iz osiguranja, osiguranik je dužan postupiti na ovaj način:

1. odmah preduzeti sve što je u njegovoj moći da se ograniče štetne posledice i pri tome se pridržavati uputstava koja mu je dao osiguravač ili njegov predstavnik,
2. obavijestiti osiguravača o nastupanju osiguranog slučaja odmah po saznanju a najdalje u roku od tri dana kad je to saznao,
3. što prije, a najdalje u roku od tri dana pismeno potvrditi prijavu učinjenu usmeno, telefonom, telegramom ili na koji drugi način,



4. u svim slučajevima predviđenim propisima, a naročito kada je šteta prouzrokovana od požara, provalne krađe, razbojništva, razbojničke krađe i saobraćajne nezgode, prijaviti nadležnom organu unutrašnjih poslova i navesti koje su sve stvari uništene odnosno oštećene ili su nestale prilikom nastanka osiguranog slučaja,

5. odmah po nastanku osiguranog slučaja, ako je to moguće, odnosno kad to prilike dozvoljavaju, podnijeti osiguravaču popis uništenih odnosno oštećenih stvari uz približnu naznaku njihove vrijednosti,

6. do dolaska predstavnika osiguravača na samo mjesto, ne promijeniti stanje oštećenih, odnosno uništenih stvari, osim ako je promjena potrebna u javnom interesu ili radi smanjenja odnosno sprečavanja povećanja štete, odnosno radi nastavljajanja normalne proizvodnje.

Ako se promjena izvrši radi nastavljajanja normalne proizvodnje, osiguranik je dužan da o tome odmah obavijesti osiguravača telefonom, teleksom ili na koji drugi način.

(2) Ugovarač osiguranja je dužan, nezavisno od roka u kojemu je izvršio prijavu štete, predstavniku osiguravača pružiti sve podatke i druge dokaze koji su potrebni za utvrđivanje uzroka, obima i visine štete. Osiguravač može, isto tako, zahtijevati da osiguranik pribavi i druge dokaze, ako je to nužno potrebno i opravdano.

(3) *Ako osiguranik ne izvrši svoju obavezu obavještanja osiguravača iz stava (1) tačke 2. ovog člana u određeno vrijeme, dužan je nadoknaditi osiguravaču štetu koju bi ovaj zbog toga imao.* (Član 1014. st. 2 ZOO)

### **III OBAVEZE OSIGURAVAČA**

#### **Član 19. - Visina naknade iz osiguranja**

Osiguravač je obavezan isplatiti naknadu iz osiguranja za štetu prouzrokovanu nastankom osiguranog slučaja po odredbama ovih Opštih uslova i Posebnih uslova za onu vrstu osiguranja po kojima je zaključen ugovor o osiguranju.

#### **Član 20. - Ugovoreni samoprdržaj (franšiza)**

Ako je ugovoreno da osiguranik sam snosi jedan dio štete (ugovoreni samoprdržaj - franšiza), naknada će se, ako nastupi osigurani slučaj, utvrditi tako da na osiguranika otpada dio štete u visini ugovorenog samoprdržaja.

#### **Član 21. - Utvrđivanje, procjena i vještačenje štete**

(1) Kad primi prijavu o nastalom osiguranom slučaju, osiguravač je dužan da odmah, a najkasnije u roku od tri dana, pristupi utvrđivanju i procjeni štete, a ako to ne učini, osiguranik može početi otklanjati štetu uz uslov, da se prethodno komisijski utvrdi uzrok nastanka osiguranog slučaja i obim oštećenja.

Osiguranik može i prije isteka roka od tri dana početi otklanjati štetu, ako je to potrebno radi nastavljajanja normalne proizvodnje.

Štetu utvrđuju i procjenjuju zajedno osiguranik i osiguravač, odnosno njihovi ovlašćeni predstavnici.

(2) *Ako je ugovorom o osiguranju vrijednost osigurane stvari sporazumno utvrđena, naknada se utvrđuje prema toj vrijednosti, izuzev ako osiguravač dokaže da je ugovorena vrijednost znatno veća od stvarne vrijednosti, a za tu razliku ne postoji opravdan razlog (kao na primjer, osiguranje upotrijebljene stvari na vrijednost takve nove stvari, ili osiguranje subjektivne vrijednosti).*

(Član 1022. st.7 ZOO)

(3) U slučaju da se osiguranik i osiguravač ne slože prilikom utvrđivanja i procjene štete, svaka od ugovornih strana može zatražiti da štetu utvrde stručnjaci (vještaci).

(4) Svaka od ugovornih strana pismeno imenuje svoga vještaka. Za vještaka se mogu imenovati osobe koje nijesu u radnom odnosu s osiguravačem odnosno osiguranikom.

Prije početka vještačenja oba imenovana vještaka biraju trećeg vještaka kao predsjednika.

(5) Predmet vještačenja mogu biti samo sporne činjenice. Koje će sporne činjenice biti predmet vještačenja i postupak vještačenja, određuje u svakom pojedinom slučaju osiguranik i osiguravač pismenim sporazumom o vještačenju.

(6) Svaka ugovorna strana snosi troškove za svoga vještaka. Troškove za predsjednika snose obje strane na pola.

(7) Iznos naknade ne može biti veći od štete koju je osiguranik pretrpio nastupanjem osiguranog slučaja.

#### **Član 22. - Spašeni djelovi**

(1) Ako nije drugačije ugovoreno, spašeni djelovi uništenih odnosno oštećenih stvari ostaju osiguraniku. Osiguranik nema pravo da, nakon nastupanja osiguranog slučaja, prepusti osiguravaču uništenu odnosno oštećenu osiguranu stvar i da od njega zahtijeva isplatu pune sume osiguranja odnosno pune vrijednosti.

(2) Vrijednost spašenih, uništenih, odnosno oštećenih stvari i (ili) njihovih djelova obračunava se po tržišnoj vrijednosti u mjestu štete prema stanju na dan nastanka osiguranog slučaja.

#### **Član 23. - Isplata naknade iz osiguranja**

(1) *Kad se dogodi osigurani slučaj, osiguravač je dužan isplatiti naknadu u ugovorenom roku koji ne može biti duži od četrnaest dana, računajući od dana kada je osiguravač dobio obavještenje da se osigurani slučaj dogodio.*

*Ali, ako je za utvrđivanje postojanja osiguravačeve obaveze ili njenog iznosa potrebno izvjesno vrijeme, ovaj rok počinje teći od dana kada je utvrđeno postojanje njegove obaveze i njen iznos.*

(2) *Ako iznos osiguravačeve obaveze ne bude utvrđen u roku određenom u prvom stavu ovog člana, osiguravač je dužan na zahtjev ovlašćene osobe, isplatiti iznos nespornog dijela svoje obaveze na ime predudjma.*

(Član 1016. ZOO)

(3) Isplate naknade nosiocima zaloga i drugih prava:

1. *Nakon nastupanja osiguranog slučaja, založna prava i ostala prava koja su ranije postojala na osiguranju stvari imaju za predmet dugovanu naknadu, kako u slučaju osiguranja sopstvene stvari, tako i u slučaju osiguranja tuđih stvari zbog obaveze njihovog čuvanja i vraćanja, te osiguravač ne može isplatiti naknadu osiguraniku bez saglasnosti nosioca tih prava.*

2. *Ova lica mogu zahtijevati neposredno od osiguravača da im u granicama sume osiguranja i prema zakonskom redu isplati njihova potraživanja.*

3. *Međutim, ako u času isplate osiguravač nije znao niti je mogao znati za ta prava, izvršena isplata naknade osiguraniku ostaje punovažna.*

(Član 1035. ZOO)

#### **Član 24. - Vraćanje premije**

(1) Ako osigurana stvar bude uništena prije početka obaveze osiguravača, ugovaraču osiguranja vraća se iznos naplaćene premije.

Ako osigurana stvar bude uništena nakon početka obaveze osiguravača od rizika koji nisu obuhvaćeni osiguranjem, ugovaraču osiguranja se vraća iznos premije za neiskorišćeno vrijeme trajanja osiguranja.

(2) Ako osigurana stvar bude uništena nakon početka obaveze osiguravača od rizika obuhvaćenih osiguranjem, osiguravaču pripada cijeli iznos premije za tekuću godinu osiguranja odnosno za ugovoreni period osiguranja.

(3) Prestankom ugovora o osiguranju u svim drugim slučajevima prije isteka vremena za koje je premija plaćena, premija pripada osiguravaču samo do završetka dana do kojega je on bio u obavezi, ako nije drugačije ugovoreno.

### **IV TRAJANJE OSIGURANJA**

#### **Član 25. - Početak dejstva osiguranja**

(1) *Ako drugačije nije ugovoreno, ugovor o osiguranju proizvodi svoje dejstvo po isteku dvadeset četvrtog sata, dana koji je u polisi označen kao dan početka trajanja osiguranja, pa sve do završetka posljednjeg dana roka za koji je osiguranje ugovoreno.*

(2) *Ako rok trajanja osiguranja nije određen ugovorom, svaka strana može raskinuti ugovor sa danom isteka tekuće godine osiguranja, obavještavajući pismenim putem drugu stranu najkasnije tri mjeseca prije isteka tekuće godine osiguranja.*

U tom slučaju ugovor o osiguranju prestaje istekom 24 časa posljednjeg dana tekuće godine osiguranja.

(3) *Ako je osiguranje zaključeno na rok duži od pet godina, svaka strana može, nakon isteka tog roka, uz otkazni rok od šest mjeseci, pismeno izjaviti drugoj strani da raskida ugovor.*

(4) *Ugovorom se ne može isključiti pravo svake strane da raskine ugovor kako je naprijed izloženo.* (Član 1019. st. 1, 2, 3 i 4 ZOO)

(5) Ako ugovarač osiguranja raskine ugovor koji je zaključen na rok duži od pet godina, dužan je platiti razliku premije odobrenim popustom za trajanje osiguranja.

#### **Član 26. - Početak i prestanak obaveze osiguravača**

(1) Obaveza osiguravača iz osiguranja počinje, ako se drugačije ne ugovori, po isteku 24 časa dana koji je u polisi označen kao početak osiguranja ako je toga dana plaćena premija, a inače po isteku 24 časa dana od dana uplate premije.

(2) *Ako je ugovoreno da se premija plati nakon zaključenja ugovora, obaveza osiguravača da isplati naknadu iz osiguranja počinje od dana određenog u ugovoru kao dana početka osiguranja.* (Član 1010. st. 2 ZOO)

(3) Može se ugovoriti da obaveza osiguravača počinje od trenutka zaključenja ugovora o osiguranju.

(4) *Ali, ako ugovarač osiguranja premiju koja je dospjela nakon zaključenja ugovora ne plati do dospelosti, niti to učini neko drugo zainteresovano lice, ugovor o osiguranju prestaje po samom zakonu nakon isteka roka od 30 dana kada je ugovaraču osiguranja uručeno preporučeno pismo osiguravača sa obavještenjem o dospelosti premije ali s tim da taj rok ne može isteći prije nego što protekne 30 dana od dospelosti premije.*

(5) *U svakom slučaju, ugovor o osiguranju prestaje po samom zakonu, ako premija ne bude plaćena u roku od godine dana od dana dospelosti.*

(Član 1010. st. 3 i 4 ZOO)

(6) Obaveza osiguravača prestaje:

1. Kod ugovora o osiguranju s određenim rokom trajanja istekom 24 časa dana koji je u polisi označen kao dan isteka osiguranja, ukoliko nije drugačije ugovoreno.

2. Kod ugovora o osiguranju s neodređenim rokom trajanja, ako je u polisi označen samo početak osiguranja, osiguranje se, uz primjenu stava (4) i (5) ovog člana, produžuje iz godine u godinu, osim ako koja od ugovorenih strana najkasnije tri mjeseca prije isteka tekuće godine osiguranja pismeno obavijesti drugu stranu da ne želi produžiti ugovor o osiguranju. U tom slučaju ugovor o osiguranju prestaje istekom 24 časa posljednjeg dana tekuće godine osiguranja.

## Član 32.

(1) U slučaju otuđenja osigurane stvari, kao i stvari u vezi sa čijom je upotrebom zaključeno osiguranje od odgovornosti, prava i obaveze ugovarača osiguranja prelaze po samom zakonu na pribavioca, osim ako drugačije nije ugovoreno.

(2) Ali ako je otuđen samo jedan dio osiguranih stvari, koje u pogledu osiguranja ne čine zasebnu cjelinu, ugovor o osiguranju prestaje u pogledu otuđenih stvari.

(3) U slučaju kad se zbog otuđenih stvari poveća ili smanji vjerovatnoća nastupanja osiguranog slučaja, primjenjuju se opšte odredbe o povećanju ili smanjenju rizika.

(4) Ugovarač osiguranja koji ne obavijesti osiguravača da je osigurana stvar otuđena, ostaje u obavezi na plaćanje premija koje dospijevaju i poslije dana otuđenja.

(5) Osiguravač i pribavilac osigurane stvari mogu odustati od osiguranja uz otkazni rok od petnaest dana, s tim što su otkaz dužni podnijeti najdalje u roku od trideset dana od saznanja za otuđenje.

(6) Ugovor o osiguranju se ne može raskinuti ako je polisa osiguranja izdata na donosioca ili po naredbi. (Član 1034. ZOO)

## V ŠTETA I OSIGURANI RIZICI

## Član 27. - Štete pokrивene osiguranjem

Osiguravač je dužan naknaditi štete nastale slučajno ili krivicom ugovarača osiguranja, osiguranika ili korisnika osiguranja.

## Član 28. - Štete koje nisu pokrивene osiguranjem

Osiguravač nije obavezan isplatiti naknadu za štetu, ako je ona prouzrokovana:

1. ratnim operacijama ili pobunama, zaplijenom, konfiskacijom, sabotažom ili terorizmom i sl., osim ako je drugačije ugovoreno. Osiguravač je dužan dokazati da je šteta prouzrokovana nekim od ovih događaja; (Član 1028. ZOO)

2. namjerno, ili prevarom ugovarača osiguranja, osiguranika ili korisnika osiguranja. Ali ako se ostvario osigurani slučaj, osiguravač je dužan naknaditi svaku štetu prouzrokovanu od neke osobe za čije postupke osiguranik odgovara po bilo kojoj osnovi, bez obzira na to da li je šteta prouzrokovana nepažnjom ili namjerno.

## VI NADOSIGURANJE I UGOVOR S VIŠE OSIGURAVAČA

## Član 29. - Nadosiguranje

(1) Ako se pri zaključenju ugovora jedna strana posluži prevarom i tako ugovori sumu osiguranja veću od stvarne vrijednosti osigurane stvari, druga strana može tražiti poništenje ugovora.

(2) Ako je ugovorena suma osiguranja veća od vrijednosti osigurane stvari, a pri tome nijedna strana nije postupila nesavjesno, ugovor ostaje na snazi, suma osiguranja se snižava do iznosa stvarne vrijednosti osigurane stvari, a premija se srazmjerno smanjuje.

(3) U oba slučaja savjesni osiguravač zadržava primljene premije i ima pravo na nesmanjenu premiju za tekuće razdoblje. (Član 1029. ZOO)

## Član 30. - Višestruko i dvostruko osiguranje

(1) Ako je neka stvar osigurana kod dva ili više osiguravača od istog rizika, za isti interes i za isto vrijeme, tako da zbir osiguranja ne prelazi vrijednost te stvari (višestruko osiguranje), svaki osiguravač odgovara za izvršenje u potpunosti obaveza nastalih iz ugovora koji je on zaključio.

(2) Ako, pak, zbir suma osiguranja prelazi vrijednost osigurane stvari (dvostruko - višestruko osiguranje), a pri tome ugovarač osiguranja nije postupio nesavjesno, sva ta osiguranja su punovažna, i svaki osiguravač ima pravo na ugovorenu premiju za period osiguranja u toku, a osiguranik ima pravo zahtijevati od svakoga pojedinačnog osiguravača naknadu prema ugovoru zaključenim sa njim, ali ukupno ne više od iznosa štete.

(3) Kad se dogodi osigurani slučaj, ugovarač osiguranja dužan je obavijestiti o tome svakog osiguravača istog rizika i saopštiti mu imena i adrese ostalih osiguravača, kao i sume osiguranja pojedinih ugovora zaključenih sa njima.

(4) Nakon isplate naknade osiguraniku svaki osiguravač snosi dio naknade u srazmjeri u kojoj stoji suma osiguranja na koju se on obavezao prema ukupnom zbiru suma osiguranja, te osiguravač koji je platio više ima pravo zahtijevati od ostalih osiguravača naknadu više plaćenog.

(5) Ako je neki ugovor zaključen bez naznake sume osiguranja ili uz neograničeno pokriće smatra se kao ugovor sklopljen uz najvišu sumu osiguranja.

(6) Za osiguravačev dio koji on ne može platiti, odgovaraju drugi osiguravači srazmjerno svojim djelovima.

(7) Ako je ugovarač osiguranja zaključio ugovor o osiguranju kojim je nastalo dvostruko osiguranje ne znajući za ranije zaključeno osiguranje, on može, bez obzira na to da li je drugo osiguranje zaključio on ili neko drugi, u roku od mjesec dana, od kada je saznao za to osiguranje, zahtijevati odgovarajuće sniženje sume osiguranja i premije donijeg osiguranja, ali osiguravač zadržava primljene premije i ima pravo na premiju za tekući period.

(8) Ako je do dvostrukog osiguranja došlo zbog smanjenja vrijednosti osigurane stvari za vrijeme trajanja osiguranja, ugovarač osiguranja ima pravo na odgovarajuća sniženja suma osiguranja i premija, počev od dana kada je svoj zahtjev za sniženja saopštio osiguravaču.

(9) Ako je pri nastanku dvostrukog osiguranja ugovarač osiguranja postupio nesavjesno svaki osiguravač može tražiti poništenje ugovora, zadržati primljene premije i zahtijevati nesmanjenu premiju za tekući period.

(Član 1031. ZOO)

## VII PODOSIGURANJE

## Član 31.

(1) Kad se utvrdi da je u početku dotičnog perioda osiguranja vrijednost osigurane stvari bila veća od sume osiguranja, iznos naknade koju duguje osiguravač smanjuje se srazmjerno, izuzev ako je drugačije ugovoreno.

(2) Osiguravač je dužan dati potpunu naknadu sve do iznosa sume osiguranja, ako je ugovoreno da odnos između vrijednosti stvari i sume osiguranja nema značaja za određivanje iznosa naknade.

(Član 1033 ZOO)

## IX PRELAZ OSIGURANIKOVIH PRAVA PREMA ODGOVORNOM LICU NA OSIGURAVAČA (SUBROGACIJA)

## Član 33.

(1) Isplatom naknade iz osiguranja prelaze na osiguravača, po samom zakonu, do visine isplaćene naknade, sva osiguranikova prava prema licu koje je po nekom osnovu odgovorno za štetu.

(2) Ako je krivicom osiguranika onemogućen ovaj prelaz na osiguravača, u potpunosti ili djelimično, osiguravač se oslobađa u odgovarajućoj mjeri svoje obaveze prema osiguraniku.

(3) Prelaz prava sa osiguranika na osiguravača ne može biti na štetu osiguranika, te ako je naknada koju je osiguranik dobio od osiguravača, iz bilo kog uzroka niža od štete koju je pretrpio, osiguranik ima pravo da mu se iz sredstava odgovornog lica isplati ostatak naknade prije isplate osiguravačevog potraživanja po osnovu prava koja su prešla na njaga.

(4) Izuzetno od pravila o prelazu osiguranikovich prava na osiguravača, ova prava ne prelaze na osiguravača ako je štetu prouzrokovalo lice u srodstvu u prvoj liniji s osiguranikom ili lice za čije postupke osiguranik odgovara, ili koje s njim živi u istom domaćinstvu, ili lice koje je radnik osiguranika, osim ako su ta lica štetu prouzrokovala namjerno.

(5) Ali ako je neko od lica iz stava 4 ovog člana bilo osigurano od odgovornosti, osiguravač može zahtijevati od njegovog osiguravača naknadu iznosa koji je isplatio osiguraniku. (Član 1036. ZOO)

## Član 34. - Zastarjelost potraživanja

Zastarjelost potraživanja iz ugovora o osiguranju imovine regulisana je odgovarajućim odredbama Zakona o obligacionim odnosima.

## Član 35. - Primjena ovih Uslova

(1) Ovi uslovi osiguranja primjenjuju se na osiguranja imovine osim na one vrste osiguranja koje imaju opšte uslove.

Na ugovor o osiguranju imovine primjenjuju se i ostale kogentne odredbe Zakona o obligacionim odnosima - Glava XXXII - Osiguranje, a dispozitivne odredbe, ako pitanja na koja se odnose nijesu u ovim Uslovima drugačije regulisana.

(2) Ako su odnosi koji se regulišu odredbama ovih Uslova drugačije regulisani za pojedine vrste osiguranja, primijenice se odredbe Posebnih uslova osiguranja za pojedine vrste osiguranja imovine.

(3) Opšti uslovi za osiguranje imovine sa oznakom US-PR-OUI/10-12-cg primjenjuju se od 01. januara 2011.

(4) Stupanjem na snagu ovih uslova prestaju da važe Opšti uslovi za osiguranje imovine od 14.04.2004. godine.